

North Sotho - Khomotšo Mangwalo - Comfort Scriptures

2 BaKorinthe 1:2-4 Kgaugelo a e be le lena, le khutšo e tšwago go Modimo
Tata wešo le go Mong wa rena Jesu Kriste. 3 A go retwe Modimo, yena
Tatago Mong wa rena Jesu Kriste, yena Radikgaugelo, Modimo wa
khomotšo yohle, 4 e a re homotšago mahlokong a rena ohle, gore ba ba
lego mahlokong bohle re kgone go ba homotša ka yona khomotšo ye
rena re homotšwago ka yona ke yena Modimo.

Diema 15:13 Pelo e thabilego e thakga, sefahlogo; mojapelo o gataka moyo.

1 Dikoši 8:66 Ka la seswai Salomo a gomiša setšhaba; ba laelana le kgoši
ka ditšhegofatšo, ba boela magaeng a bona ba thabile, ba kwile bose ka
tše botse ka moka tše Morena a di diretšego Dafida mohlanka wa
gagwe, le Isiraele setšhaba sa gagwe.

1 Koronika 16:10 le hlwe le kgantšha ina la gagwe le lekgethwa; go thabe
pelo tša ba nyakago Morena;

Diema 12:25 Majapelo marobamotho; o thabišwa ke lentšu la botho.

Diema 13:12 Sellelwaseletetši se Iwadiša pelo; seletelwa sa fihla, ke
sehlare sa bophelo.

Jesaya 30:26 Mme seetša sa kgwedi se tlo swana le sa letšatši; seetša sa
letšatši e tlo ba sa matšatši a šupago mehleng yeo, ge Morena a tlo fapa
thobego ya setšhaba sagwe ge a tlo tlemelela dintho tša sona.

Hosea 13:8 Ke tlo ba šwahlela bjalo ka sebata seamogwabana; ke tlo ba
garolanya pelo sehubeng, ka ba ja boka tau; dibata tša naga di tlo ba
tumukanya.

1 Samuele 1:8,10 Elikana monna wa gagwe a mo rera a re: Hanna, o
Ilelang? O reng o sa je selo? Pelo ya gago e šulafetšeng? A nna ga ke a
go lekana ka fetiša barwa ba lesome? 10 Hanna a tla a nyamile pelo, a
rapela Morena, a lla ka kudu.

Dipsaleme 25:16,17 Nke o ntebelele o ntšhokelwe ke le wa bodutu le
bošuana. 17 Ditlalelo di goletše pelo ya ka; nnamolele dipitlaganong.

Dipsaleme 34:18 Morena o kgauswi le ba dipelo di robegilego; o phološa
meoya e kgobetsi.

Dipsaleme 38:8 Maatla a mpheletše; ke robegetše ruri; ke bobola ke
hlokogile pelo.

Dipsaleme 55:4 Pelo ya ka e tlaletšwe ka teng ga ka; ke wetšwe ke tšhogo
ya lehu.

Dipsaleme 61:2,3 Ke go bitša, pelo ya ka e goletšwe, ke le kgole mo naga e
gomago gona. Nnametše lentswe letelele le le mpalelago. 3 Gobane

setšabelo sa ka ke wena; o sebo sa ka se se tiilego ge ke tšhaba manaba.

Dipsaleme 62:8 Felang le holofela yena, lena batho; tšhollang dipelo tša lena pele ga gagwe. Modimo ke yena setšabelo sa rena.

Dipsaleme 73:26 Le ge nka felelwa ke mmele le pelo, wena Modimo o dula o le lentswe la pelo ya ka, o le legae la ka neng le neng.

Dipsaleme 77:2,3 Ke mohla wa tlalelo; ke nyaka wena Mong a ka; ke lala ke emiša diatla tša ka ke sa lape; pelo ya ka ga e homotšege. 3 Ke gopola Modimo ke fegelwa, ke akanya pelo ya ka e dumala.

Dipsaleme 86:11 Morena, nthute tsela ya gago, ke sepele ke go botegetše; pelo ya ka o e tlemaganye le go boifa leina la gago.

Dipsaleme 109:22 Gobane nna ke mmotlana mosenyegi, mme pelo ya ka ka teng ga ka e gobetše.

Dipsaleme 112:7,8 Ga a boife tshele tša ba babe; pelo ya gagwe e tiile a botile Morena. 8 Pelo ya gagwe e thekgilwe; ga a boife selo; o tlo bona se se tlogo go dirwa manaba a gagwe.

Dipsaleme 143:4 Ke tšona tše di lapišago moywa ka ka go nna; fa teng ga ka pelo ya ka e tšhogile.

Dipsaleme 147:3 O fodiša ba dipelo tše robegilego, o tlemelela ntho tša bona.

Diema 14:30 Pelotšhweu ke phelo bja mmele; lehufa ke bolwetši mašapong.

Mmoledi 1:13 Ka neela pelo ya ka gore tšohle tše di diregago fa tlase ga legodimo ke di latišiše, ke di hlathe ka bohlale. Ke wona modiro o mothata wo Modimo a o gafetšego bana ba batho gore ba itapiše ka wona.

Mmoledi 2:10 Mahlo a ka ga nka ka a kuna le setee sa tše a bego a se duma, ga go lethabo le nkilego ka le tima pelo ya ka; gobane pelo ya ka e be e thabela tšohle tše ke bego ke di dira; ya ba wona moputso wa mediro ya ka yohle.

Mmoledi 2:22,23 Gobane motho o tšwa le eng ka tiro tšagwe tšohle, le ka pelaelo tša pelo ya gagwe, tše a itapišago ka tšona fa tlase ga letšatši? 23Hleng mehla yohle yagwe e le ya go hlaka! Hleng boitapišo e le go itshwenya! Le bošego pelo yagwe ga e khutše. Tše le tšona ke lefela.

Mmoledi 11:10 Se hlohle pelo ya gago, mme mmele wa gago o o šegele bošula; gobane bosogana le hlogo e ntsho ke lefela.

Jesaya 30:29 Mme lena le tlo ba ba go hlabo sefela se etšago sa bošego go binwa monyanya; go tlo ba le lethabo la dipelo le kakago la baletsi ba dinaka ba eya thabeng ya Morena, lentsweng la Israele.

Jesaya 57:15 Gobane Yogodimo, Mophagami, Mong a dulo sa bogoši bja mehleng, yo leina lagwe e lego Mokgethwa, o a bolela o re: Ke dutše

godimo, le sekgethweng, le go yo wa pelo e setlegilego e kokobetšego, gore ke phediše moyo o kokobetšego, ke phediše pelo e setlegilego.

Jesaya 65:14 Tsebang, bahlanka ba ka ba tlo hlalala ba ipshina, mme lena le tlo hlatloša dillo ka masetlapelo, le tlo golola le hlobogile.

Jesaya 66:13,14 Ke tlo le homotša bjalo ka ge motho a homotšwa ke mmagwe; le tlo homotšwa gona fa Jerusalema. 14 Ge le di bona, ke mo dipelo tša lena di tlogo thaba; ditho tša lena tša tlo taga wa botala bjo bofsa; ke mo seatla sa Morena se tlogo tsebiwa ke balata bagwe, ge a galefetše manaba a gagwe.

Jeremia 15:16 Mantšu a gago a hweditšwe ya ba dijo tša ka; mantšu a gago a nkušitše pelo a nthabiša, ke ekwa ke bitšwa ka leina lago, Morena Modimo wa mašaba.

Jeremia 24:7 Ke tlo ba nea pelo ya go ntseba, ge Morena e le nna. Bona e tlo ba setšhaba sa ka, nna ka ba Modimo wa bona; gobane ba tlo ba ba boetše go nna ka pelo ka moka.

Johane 14:1 Dipelo tša lena di se tšhoge; dumelang Modimo, le nna le ntumele.

Johane 14:27 Ke le tlogelela molao; ke le fa molao wa ka. Nna ga ke le nee ka mo lefase le neago ka gona. Dipelo tša lena di se huduege, di se šie.

Johane 16:6 Fela bjale ge ke le boditše, dipelo tša lena di tletše manyami.

Johane 16:22 Lena bjale le na le manyami. Fela, ke tlo boela ke le bona, dipelo tša lena tša tlo thaba; gomme lethabo leo la lena le ka se le amogiwe ke motho.

Ditiro tša BaApostola 2:46 Ba be ba sa lape go tla Ntlongkgethwa ka mehla, e le ba go kwana, ba go ngwatha senkgwa malapeng a bona.

BaRoma 9:2 ge ke re: Mo pelong ya ka ke na le bohloko bjo bogolo le nyamo ye e sa okobalego.

2 BaKorinthe 2:4 Gobane ke le ngwaletše ke hlokofetše ruri, ke boifa, megokgo e le e mentši, ke sa re ke le hlokofatše, e le gore le tsebe lerato le legolo le ke le ratago ka lona.

BaEfeso 5:19 le fele le boledišana ka dipsalme le ka difela le ka dikopelo tša Moya; le opelele Morena le mminele ka dipelong tša lena.